



De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

5 Vtrum qui bona fide rem alienam, quam ab alio emerat, vendidit,
domino comparente, teneatur contractum venditioniis rescindere, reddito
pretio emptori, cui vendidit: an sufficiat cedere ei sua ...

[urn:nbn:de:hbz:466:1-72459](#)

DUBITATIO IV.

Vtrum si dubites an res sit aliena, possis eam accipere, retinere, alienare.

23
Si dubium superueniat.

REspondeo & Dico Primo, Qui initio bona fide rem accepit vel habuit, si postea incipiat dubitare an sit aliena, tenetur inquirere veritatem, & manente dubio post inquisitionem, non tenetur restituere, sed manet in possessione bona fidei. Ita Ioannes Medina q. 10. & Silu. Restitutio 3.q.7.s. Tertium, Gabriel supra, & alij. Ratio est, quia in dubio melior est conditio possidentis: vnde nisi moraliter certus esse incipiat, alienam esse, non tenetur ea se priuare. vide cap. 6 dubit. 3. de præscriptione. Hinc sequitur, Si rem illam, domino post diligentem inquisitionem non inuenit, vendat, non teneri postea illo comparenter; vt recte Silvester, Gabriel, & alij. Ratio est, quia neque tenetur ratione iniustæ accessionis, cum bona fide illam habuerit, & vendiderit; neque ratione rei acceptæ, vt quæ nec per se ipsam, nec per aliquid sui, quod vicem eius suppletat, apud ipsum extet. Quod addo, quia si ipse ex ea factus est locupletior, catenus tenetur. res enim ratione illius accessionis, quæ ex ea rebus illius facta est, cenfetur adhuc extare.

Dices, Quid si occurrente dubio, non instituit inquisitionem, & postea certò deprehendat rem fuisse Titij?

Resp. Tunc tenetur Titio restituere non solum rem illam, sed etiam fructus consumptos ex eo tempore quo dubitare coepit. Ratio est, quia ex quo exorta dubitatione, an esset aliena, coepit negligere inquisitionem, non fuit amplius possessor bona fidei, sed mala fide & contra conscientiam suam rem illam, cum ea animi dispositione possedit. Deinde ex iustitia temebatur veritatem inquirere; vnde omissione illa seu negligentia fuit contra iustitiae legem. quare tenetur damnari, quod ex ea omissione vero domino obuenit.

24
Si ab initio dubitet.

Dico Secundo, Qui dubitat vtrum res sit aliena, potest nihilominus eam accipere titulo donationis, permutationis, emptionis, &c. modò eo animo accipiat, vt cum domino, si post diligentem inquisitionem inuenierit, restituat. Ratio est, quia in hoc nullam facit domino iniuriam, sed beneficium; nam alioquin fortasse numquam fuisset restituenda.

25

Dico Tertiò, Quid si non eo animo eam accipiat, sed potius vt libi retineat, peccat quidem, vt super dictum est, non tamen tenetur eam statim restituere, sed mutato animo, debet diligenter an aliena sit inquirere, & vbi moraliter certus fuerit alienam esse, integrè restituere cum fructibus etiam consumptis: si autem aliquid dubij remanserit, tenetur eam cum altero, de quo dubitat, dividere; plus vel minus pro ratione dubij & inclinationis animi illi assignando: qui si sit persona nota, ei sua pars tribuenda; si vero sit ignota, pauperibus. Ita Caecilius q. 62 art. 5. Sotus lib. 4. qu. 7. art. 1. circa tertium argumentum, Ioannes Medina qua. 17.

Ex dictis sequitur, Si accipias rem aliquam ab eo qui bona fide possidebat, neque moraliter certus sis, tuam esse; non posse te retinere, sed totam

debere restituere; quia in dubio possesso illi fauet, ita vt nisi moraliter certum sit eius non esse, non possit ea spoliari: & ita in omnibus tribunalibus apud omnes gentes indicatur. Si vero neuter possidebat, vel alter non bona fide possidebat, non potes in dubio totam tibi vindicare, sed prout animus magis in hanc vel illam partem inclinat, restitutio ex ea facienda. quare in pari dubio, poteris retinere dimidium: si probabilius putas esse alienam, ei maior pars reddenda: si tuam, tu maiores retinebis, idque secundum varios gradus, qui in hoc afflensu esse possunt. cum enim neutri possesso suffragetur, res ex coniectura & opinione iuris vtriusque partis statuenda est.

DUBITATIO V.

Vtrum qui bona fide rem alienam, quam ab alio emerat, vendidit, domino comparente, teneatur contractum venditionis rescindere, redditio pretio emptori cui vendidit, an sufficiat cedere ei sua actione.

Nauarrus cap. 27. num. 8. existimat satis esse, vt cedat ei sua actione. v.g. emi equum à Petro, & vendo eum Paulo bona fide; deinde reficitur esse Ioannis, eique restitutur: dicit Nauarrus me non teneri refundere pretium Paulo, cui vendidi, à quo Ioannes recuperat equum, sed sufficiere vt ei cedam actione, quam habeo in Petrum, à quo emi. Sed contrarium est tenendum; nempe vbi confiterit rem esse alienam, & Paulus vo-
Tenetur
luerit idcirco contractum rescindere, debere me
esse paratum rescindere, & pretium restituere. Ita
prestitum.
docet Sotus l. 4. q. 7. art. 2. & colligitur ex D. Thoma q. 77. art. 2. Probatur; quia qui vendit alteri rem vitiosam tamquam bonam, vbi confiterit de vitio, tenetur se paratum exhibere, vel ad tollendum vitium, vel ad rescindendum contractum: sicut si quis daret bona fide monetam adulterinam, teneretur postea dare bonam, vel rescindere contractum: atqui hæc conditio, esse alienum, est quoddam vitium rei: ergo, &c. Respon-
datur Nauarrus, esse solum vitium extrinsecum, rem
vero intrinsecum non esse defectuosam: scilicet esse
in falsa moneta & similibus, quæ intrinsecum vi-
tium habent. Sed hæc responsio non satisfacit:
nam nihil videtur referre, siue vitium intrinsecum
cum an extrinsecum, quando reuerat tale est, vt
emper. meritò sit inuitus, faciatque eius ignoratio
emptionem inuoluntariam. tunc enim emptio
est inuálida, ac proinde rescindenda, (si velit em-
per) redditio pretio, vt infra cap. 17. dub. 5. di-
cetur. Secundò, Quia vendor tenetur emptori
de euictione: nec potest illum ad alium ablegare,
cum quo illi negotium non fuit; fed ipsam tenetur illi
satisfacere. vt constat ex L. 1. & multis
aliis Iuribus, &c. de euict. & C. codem. Tertiò, Quia
vendor non potuit transferre dominium in em-
ptorem, cum res fuerit aliena: ergo etiam ex hac
parte contractus est inuálidus: ac proinde tenet
ei pretium restituere, si ipse velit.

Dices Primo, Quid si Paulus eam mox resti-
tuat, antequam mihi exhibeat, tenebörne ei redi-
dere pretium?

Resp.

28 Resp. Non tenebor; si videlicet ex illa redditio-ne incurri damnum, non valens recuperare pre-tium à Petro, quod tamen potuisse recuperare, si rem illam mihi à Paulo redditam, ei restituism. Si enim Paulus volebat à me pretium recuperare, debebat mihi rem illam restituere, vt ego me in-demnem seruarem: iuxta ea quae diximus dub. 3. Quid si illa accelerata restitutio non sit causa, cur ego nequeam pretium à me datum Petro, redip-ici, tenebor premium, quod accepi à Paulo, eidem refundere; quia vendendo ipsi rem alienam, ei causam damni dedi, & ipse sua restitutione mihi vicissim damnum non intulit; sicut fecit, quando poteram me indemnem præstare.

Dices Secundò, Quid si domino comparente, Paulus, qui rem habet, non inueniat?

29 Resp. Tunc ad nihil teneor, nisi ex venditione factus sim ditor: quia neque ratione rei accepta, cùm illam non habeam, & ex ea factus non sim ditor: neque etiam ratione iniusti damni; quia bona fide vendidi. Paulo etiam non teneor, quia nullum damnum ex rei emptione, quām à me ha-bet, incurrīt; cùm bona fide illam retineat.

Diccs Tertiò, Quid si mihi innotescat post ven-ditionem, fuisse alienam, tenēbōne monere do-minum, vel indicare Paulo, esse alienam?

30 Resp. Non teneberis, si inde tibi damnum im-penderet; vt si non posset recuperare premium, quod bona fide dedisti. Ratio est; quia cùm rem alienam non habeas, nec alii his causa damni iniusta, non teneris cum magno tuo damno cura-re, vt dominus rem suam redipiscatur: sitamen absque tuo damno possis, teneris ex charitate.

D V B I T A T I O VI.

Vtrum bona & debita incerta, (id est, quorum ignotus est dominus vel credi-tor) sint pauperibus restituenda.

31 Incerta. S^ppono Primò, bona non censeri incerta, nisi post eam inquisitionem, quæ iudicio prudentis pro rei qualitate videatur sufficiens; maior enim diligentia, & in pluribus locis & longiori tem-po-re adhibenda, quando res est magni pretij, quām dum parui. Quid si quis ante debitam diligen-tiam præstitat, talia conuertat in pia opera; pos-tea domino comparente, tenebitur et ad integrum re-stitutionem, vt communiter docent DD.

32 Debita communi-tati. Suppono Secundò, non censeri incerta, quando constat ea deberi certe alicui communitati, vel toti, vel maiori eius parti. eti enīm in particulari non constet, quid cui debeatur, tamen constat hac esse illius communitatis, ita vt ipsa tota, vel maior eius pars ius in illa habeat, & singuli vel plerique cen-santur habere aliiquid in illo cumulo: vt quando exercitus expiat iniuste pagum vel oppidum; tunc enim restitutio facienda communitati, opera Ma-gistratus, Episcopi vel Parochi, vt hi distribuant uis, qui in eo hominū cœtu maius damnum accepisse iudicabūtur. Nec potest fieri in pauperes, aut in alia pia opera; quia hæc bona non censentur esse incerta. Item quando pauciores quidē ex illo con-uentu damno affecti sunt, tamen per aliquā indu-striam cognosci potest qui sunt; videlicet opera Pa-rochi vel Magistratus euocatis generatim ut com-pareant qui spoliati fuere; & examinatis vbi, quan-do, quibus & qualibus rebus spoliati, &c. quod

faciendum est in rebus magni momēti, non tamen id necessarium in paruis, vt cùm quis minutis ven-ditionibus fraudauit. Quando tali industria sciri nequit quibus debeat, conferenda sunt in pauperes, siue illius loci, siue alterius. His positis,

Resp. & Dico Primo, Bona incerta (id est ha-bentia dominum ignotum) & incerta debita, siue ex contractu, siue ex delicto, restituenda sunt in pauperes, saltem iure positivo vel consuetudine. Est communis DD. sententia, praterquam de bo-nis inuentis. Vide Couarruianam ad reg. Pecca-tum, p. 3. §. 1. n. 3. Ioan. Med. C. de restit. q. 3. cau-sa 10. Nauarr. c. 17. n. 92. & 93. & alios.

³³ De incertis ex delicto debitis probatur ex cap. Cūm tu, de usuris, vbi Alexander III. iubet, vt ea, quæ usuris iniqui acquista sunt, si non super sunt illi quibus debentur, aut eorum heredes, dentur pauperibus: & usurarii, eorumq; heredes Ecclesiasticis panis ad hoc cogantur. quid DD. communiter extendit ad incerta ex aliis delictis debita, (vt ex furto, ra-pina, damno dato, & inquisi contractibus) id que merito, quia eadem vel etiam maior est in his ra-tio: ne videlicet hominibus iniquis integrum sit, ex iniquitate & iniuriis ditescere. Nomine autem ³⁴ pauperum intelliguntur non solū mendici, sed etiam quibus necessaria ad decentem statum de-qui. sunt, & etiam quavis opera pia; vt inter ceteros docet Nauarrus c. 17. num. 93.

De debitis ex contractu, v. g. ex deposito, com-modato, mutuo, venditione, &c. probatur; quia eti de his non exeret Canon, tamen ubique est consuetudo piorum, vt hac in pias causas ex-pendantur, quando dominus inueniri nequit, vt ani-ma eius proficit.

Sed difficultas est, Vtrum etiam Iure naturæ pauperibus p̄iſve operibus hæc sint ergoanda. Quo Iure Ferè omnes DD. ita sentire videntur: id enim se-pauperi-bus. qui videtur ex ratione, qua vtuntur, aiunt enim hæc in pauperes esse restituenda, qui debitor Iure naturæ tenetur hæc restituere eo modo, quo potest; nempe vt vel ipſæ res, vel utilitas ex illis ad dominum perueniat: atqui hoc fieri si dentur pauperibus ad salutem domini viui vel mortui: ergo Iure naturæ hæc in pauperes danda. Verum hæc ratio, eti recte prober, iuti naturali, sup-Non teneri posita fide, consentaneum esse vt sic erogentur; Iure naturae. non tamen probat, id lege iustitiae esse debitum, Primò, Quia fieri potest vt dominus in hæreli vel alio peccato mortifero obierit: quo euentu nihil potest ei prodesse. Secundo, Quia in qui-busdam locis fiscus Principis occupat bona eo-rum, qui intestati moriuntur, & nullum heredem intra decimum gradum relinquent. Item ani-malia incertorum dominorum oberrantia, si domini post diligentem inquisitionem inuenient non fuerint, applicantur in Hispania quibusdam Ma-gnatis. Idem fit de ceteris inuentis in Gallia, teste Couarruia suprā n. 5. quæ omnia iniquissima essent, si Iure naturæ pauperibus deberentur. Quid si hæc illis non debentur, cur debeat, alia, cùm omnia æquè sint dominorum incer-torum? nec minus hæc quām illa in dominorum utilitatem sint expendenda? Tertiò, Quia fieri potest compositio cum Pontifice super incertis, etiam iniuste acquisitis, vt ea liceat retinere: quod signum est, non esse Iure naturæ pauperibus debita. Quarò, Lex restitutionis est lex naturæ; atqui ratio naturalis non dictat hæc bona pauperibus